

DEO OPTIMO MAX.
UNI ET TRINO.

VIRGINI DEIPARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS
manè discutienda in Scholis Medicorum, die Martis sextâ Junii
M. DCC. XLI.

M. LUDOVICO-GUILLELMO LE MONNIER,
Doctore Medico, Præfide.

An ex vasorum figurâ & origine, facilior aptiorque fluidorum dispensatio?

I.

OMNIA Deus creavit numero, pondere & mensura. Numeremus, pondemus, mensuremus. Una ea est via quâ referantur naturæ penetralia. Jam eam tenuerunt viri eximii in corporis humani phenomenon scrutandis. Ponderi ea subjecerunt & calculo. Ex penu suo deprompto in vortice vivere corpus humanum, respirare, vigere nos docuerunt: continuo effluxu ex illo avolare partes tenuissimas mole, numero immensas. Eas diceres illos palpavisse, eas, ut omnipotentem maria & terras, in volâ mantis habuisse. Nos verò mensuremus, & si Antistites illi pondera & lances non spreverunt, regulam & circinum non dedignemur. Citò collabesceret, citò efflueret corporis moles, ni novi appellerent laices, undè labefactata refarcirentur, collapsa restaurarentur organa. Terret & quantitas alibilis illius laticis, terret quàm celerî donari debet motu, quem non latet & partium restaurandarum multitudo, celer promptaque restitutio, vasorum succi nutritii ferentium immensa evolutio. Quot etenim vasa permeanda, & quæ vasa! Hic in mille pagines sese explicant & expandunt, inversasque arbores mentiuntur. Hic in glomeres convolvuntur. Hic in mille intercapedines decussantur. Sub mille angulis distribuuntur. Quæ igitur ad illos obices, morasillas vincendas, vis constituitur? Quàm stupenda cordi conceditur! Magna sane! Adeo tamen intensa, ut vasorum, inque vibrandum erat fluidum, faveretur lateribus. Quàm insuper lubricis, quàm facilis descensus præbendus erat vasorum figurâ, illorum origine! Si vasorum membranas vi, cui totius corporis vel minimæ partes dantur nutriendæ comparas, aut nulla fiat partium nutritio, aut disrumpatur totum vasorumsystema, & sic in ipso quidem exortu intreat corporis machina, pertimesces. Cæca tibi erit natura. Sic in eam imprudens non insurgas. Mirearis potius quibuscum certis, constantibusque legibus omnia dispensavit. Machinices Magistra, quas ipsa sancivit leges, sequitur. Sic formavit vasa, sic ea distribuit, ut & cordis vi & fluidorum divisioni famularetur. Ex vasorum figuris omnibus cylindrica fluidorum cursui aptissima videtur, eam eligi, cylindrica efficit vasa. Non eadem singulis dividenda erat locis fluidorum quantitas: eam vasorum, cum ex truncis oriuntur, inclinationem mensuravit, ut, aut nulla, aut ea sit, quâ faciliior difficiolorve fieret fluidi influxus, majorque aut minor copia ea subiret. Ab exquisitâ magis mechanica non recedit.

II.

APERTO Thorace apparet cor in pericardio delitescens. Obliquo & fere transverso situ, à dextris ad sinistra declinat. Conoideam lateribus compressam quodammodo figuram refert. In duas, ventriculorum nomine donatas, septo inter-

medio, scinditur cavitates, fibris longitudinalibus, obliquisque & numerosioribus constatas. Horum ventriculorum alter dicitur anterior, vel sinister, alter posterior, vel dexter. His, quasi appendices, adnectuntur auriculæ quæ, ut ventriculi, sic denominantur anteriores posteriores ve pro ventriculo quo adunantur. Ex auriculis procedunt vasorum trunci majores sanguinem revehentium, ex ventriculis eundem novis divitem partibus ferentium. Ex posteriore vasa pulmonalia, ex anteriore vasa cætera toto corpori disseminanda. Hæc sola in tam & tantis vasorum seriebus scetetur, illa insequamur, & de aliis idem ac de his dicatur. Aorta ex ventriculo anteriore progrediens, datis arteriis, antrorsum pergit, protinusque curvata ex superiore hujusce curvæ parte carotides emittit & subclaviales. Illarum jam parens descendit alias parturitura. Impatiens dat & pulmonibus suas, suas dat & œsophago, intercostalesque producit: dein perforato diaphragmate huic musculo suas dividit. Nascuntur deinde & cœliaca & mesentericæ, Lumbares & renales tandemque iliacæ. Hic sistamus & quàm miram & ad opinionem quam propugnamus, aptam vasorum horum esse fabricam evoluvamus. Cylindricam vasa hæc omnia induta figuram sic sobolefcent. Dubitas? Demonstro ad Erudito DD. Ferreino eadem suis inlectionibus quotidianis demonstrante. Tota vasorum horum moles cylindrica est. A corde usque ad ramos primos, partem aortæ interceptam scendas, & cylindrum habes. Ex illis usque ad alios scendas & cylindrum habes. Sicque deinceps. Ex secundariis truncis idem dicas: & quoquo truncos illos secundarios, vel tertiarios, centenarios, milliariosque insequaris, totidem cylindros invenies. Ex omnibus his cylindris exurgitur ne conica figura? Conica ne itaque dicenda sunt vasa? Non minori patefcit luce altera veritas. Utriusque aortæ divaricationes explora, pulmones revela, splen, renes, hepar explora; totidem hujus veritatis tibi testes erunt. Quò propiores origini trunci sunt ramuli, eò minus acutum, identidem obtusum constituunt angulum. Si cinnabarino, mentitoque sanguine, vacuum proprio veroque, aortam adimpleat prudens suspensaque manus, corallinæ exoritur prominetque arboris effigies; ubi hæc omnia patefcunt. Arma dextram circino & normâ, mensura, idem deprehendes. Suos isdem regulis vel minimos spargit ramulos mesenterica. Repunt eodem ordine inter membranas intestinorum. Hoc pandit inflammatio, hoc injectio. Alienum ne foret à proposito ventriculi, cordis & vesicæ uterique figuram pendere. In visceribus his ut in canalibus cujuscumque ordinis mechanicæ omnia perficiuntur.

I I L

PARTES fluidi secundum canalis axem permeantis celerius partibus latera præterlabentibus moventur: Impetus fluidi in planum perpendiculariter, est ad impetum fluidi oblique impingentis, ut sinus totus ad sinum incidentia. Hoc demonstrat *Mechanice*. Cui, cognitis his legibus, non arridet cylindrica vasorum figura? Quo alio mechanismo libarentur inter se fluida solidaque corporis nostri? Eâ arte Supremus ille Gometra, qui globos immensos Syderum suis in revolutionibus refrenat, liquores microscopici dirigit suis in circuitibus & præponderat. Si etenim conicam vasa induerent figuram, cito sisterentur fluida & hæreret tota machina. Coni latera ad axem figuræ continuo declinant, summoque in vertice coeunt & copulantur. Fluant itaque & voluantur in hujusce figuræ non vero cylindricæ canalibus humanæ machinæ liquores. Quid tum? Arietabunt in canalium horum latera & tanto validius quod crescente laterum inclinatione, crescat & perpendicularis impetus. Unde & validior impetus, celeritatis remissio, imminutio, quies. Unde actionum cessatio, machinæ detractio, mors. Evanescit timor, siva sunt cylindrica, placido magis ac uniformi voluuntur liquorum globuli. Si laticis radii latera alluentes ob tritum morantur, suo in motu vinciuntur; saltem versus axem girando, vorticosoque motu non deviant, celeritatem fluidi axem tenentis non sistunt, illud pro mole sua quantitatis motus non defraudant. Si veltus in carinâ, naturæ scrutator impatiens, in fluminis crystallos inspicias, quibus natura imperet sanguini legibus tibi patefciet. Columnæ aquarum in carinam molliter furentium latera machinæ lambentes recto continuoque motu fluant: at tabularum ne inclinetur directio, tunc sibillando fugiunt, seseque curvando flu-

mini dantur præcípites. Fluida vasorum cuiuscumque figura in fundos pōderant ratiōne fluidorum altitudinis & vasorum basis. Ex duobus æqualis altitudinis vasis alterius fit orificium centum pedum, basis unius, sit conicum vas: alterum eadem æqualique pedis unius latitudine donetur, sit vas cylindricum. Cur basis prioris non delitit pressa tantā fluidi incumbētis mole? Sola basi perpendicularis columnina in fundum premit, ceteræ fluidi columnæ vasis lateribus ob inclinationem sustinentur. Quot igitur illi fluido hoc in canali permeanti opponeret obices canalis figura. Quot agglomerarentur si in alios similes ex illo flueret latex. Starent agmine non minus denso, si vasis conicis allueretur corporis moles. Ex *Keilo* & *Hales* sanguis ad octo circiter pedes ejaculatur abscissā arteriā crurali. Quā mirā itaque tritus! Neminem latet vis à Borello cordi concessa. At ex cylindro trium pollicum lato, viginti libris prementibus, aqua foramine quatuor linearum exilit ad sex circiter pedes probante *Mariotto*. Ergo sublatā quidem dimidiā tertiā ve vis cordis parte a sanguine alias influente arterias, mirè sistitur sanguis crualis. Quid fit in minimis canalibus, crescentibus & fluidorum & vasorum superficiebus? Quod feret si vasa fuissent conica. Ne calculos afferas *Keilanos*? Vim cordis vī musculorum aliorum compara? Et si vim *Borellianam* intentiorem adinvenias, *Keilianam* remissiorem; hanc, eam, ut opinioni nostræ faveat, habebis.

I V.

DUOBUS præcipuis cietur sanguis motibus, projectionis motu vel progressivo motu intestino vel eo quo undique & quaque verum fertur. A causā motrice, à corde, prior pendet: alter à fluiditatis naturā. Hujus virtute effugit sanguis quā patentior porta faciliorque datur, & eò validius elabitur quò elapsuræ partico piosiores incumbunt molis sanguineæ partes. Rationem sequitur altitudinum, ut loquuntur *Mechanici*. Ille eò minuitur magis quò longius à causā motrice recedit percussā sanguinis quantitas. Jam constat latitem illum cylindricis in canalibus volvi; constat jam imbecilliores sic fieri tritus, sique facilius canales illos permeari. Nulli ne tamen habendi sunt tritus illi. Minime, vasa statæ cordis antagonistæ. Vim vi opponunt & nisi aliunde occurreretur, non æqua fieret fluidi nutriti dispensatio. In primas truncorum soboles libentius rueret, majori percelebrarentur quantitate. Ceteræ sibi debitā orbarentur parte, collaberentur, obturarentur, organaque nutritione frustrata areferent. Quibus igitur mediis utetur natura, vel diameter vasorum augendus est, vel horum origo ita dirigenda, ut rectum magis subeundum sit iter sanguini obviumque magis & patentius. Alti si augetur diameter decrescente vi sanguini insitā, ita tota minueretur moles, ut idem remotioribus locis immineret ariditatis timor. At si inclinatur vasa, tum exsurgunt omnia. Vivifici feruntur omnibus latices, referantur vasa, benigno fugatur imbre ariditas, & ubi instabat frigidus mortis pallor, vividus rubescit vitæ color, vita cum sanguine fertur, mors pellitur. Reipsa si fluidum quoddam protrudatur in vas cylindricum cui adaptentur vasa alia cylindrica ejusdem diametri, inclinationis diversæ, à nonaginta gradibus ad alios gradus decrescentis, ea pervasorum officia effugiet vi, quæ & causæ motricis impetū aequā divisomanu & fluidi columnæ altitudine mensuratur. Hac reguntur lege corporis nostri latices. Hoc maxime in aortā ramisque suis elucidatur. Pars illa sanguinis quæ primos alluit ramos, eā fertur vi quā ex totā sibi pro mole suā detrahic & vi pressiois parvulæ sanguinis columnæ. Sic secundas alluit, sic cæteras. Ramos aortæ primas petentes vertebrae obtusum formant angulum, fateor; sed hic non insciā ducitur natura. Quod acuto alibi hic obtusor efficit angulo. Non fugit *Louverum* hæc varia artificiosaque vasorum origo. Si, ut annotavit, cum subclaviali rectos constituerent angulos arteriæ quas parturiv, vix ramum priorem subisset sanguis, præterlabendo illum saluasset. Sed acutior fit origo prioris rami. Sic à tramite suo deviare cogitur sanguis, canalem subit, canalis non destituitur. Juvat hic referre quā mirā, quā mechanicè oriuntur arte feminales arteriæ. Ut eliceretur liquor hic feminilis, ut mutuos in amplexus facilius suerent partes eliciendæ, placidus requirebatur motus. Quid igitur agit *Opifex*

Optimus? Hæc vigerant *Mechanices* regulæ. Si quodcumque corpus in auras vibratur sub quinque & quadraginta graduum angulo, longius a causâ vibrante feritur, quam si eadem vi sed alio sub angulo emitteretur. Si fluida ab orificiis obliquis, allataeque obliquitatis micant, idem fit. Ita inclinat seminales arterias ut eundem, aut fere eundem angulum offerant. A longinquo ad organum veniunt, sic & minuitur motus & appellit latex, fitque secretio. Eadem in omnibus vasis patet dexteritas, Facilior semper fluidorum motus, aptiorque eorum dispensatio spectatur.

V.

QUID pluribus indigeat rationibus veritas hæc, veritas fulcita anatomicis observationibus, *Mechanices* legibus. Non ne uberiori potius fulgeret lumine. Sole radiante perstringuntur aspicientium oculi. Diffraçti aut reflexi alteris huius mitiorem diffundunt lucem radii oculo. umque magis amicam. Ni in plures areolas scindatur adamas scintillantibus locis loca adumbrantur vicina. Ad diversos angulos, diversas inclinat superficies dexteritas artificis & sic minuendo lucem eam auget. Sed de mente idem ne dicas: ablit. Titubat usquedum præeunte face fulgantur vel minimæ nubeculae, & ni fulgurat undique veritas, illi mens non acquiescit. Dixerit itaque fortasse aliquis; iidem sunt vincendi in brutis obices: tot sunt propulsanda fluida: vasa æque tenuia permeanda, visque pellens, cor, servata proportionem, non est in brutis, immo in homine quidem est validius, arteriæ tamen intercostales ut & venæ, ita ex truncis suis emittuntur, ut totidem angulos nonaginta graduum efforment. Hic nodus, en nodi solutio. *Pronaque cum spectent animalia cetera terram, Os homini sublimè dedit ...* Tota sanguinis partium, quæ orificia vasorum lambunt, gravitas, ob brutorum progressum, in ea orificia exierit. Gravitatis vi vis projectionis ita minuitur, ut, dum fugit pars quæ volutatur in axe, illæ delabantur in vasa, vasaque percurrunt. Incedit homo & ob incessum hunc, tota sanguinis gravitas motum projectionis sequitur, fræna erant injicienda, injiciuntur; vasa inclinantur, sicque in ea dirigitur latex. Pro eo quod entium salus postulat, agit natura. Hic pro nobis stat analogia, eam magis evolavimus. In aperto æqualisque soli campo stet arbor, nec pendere procul de rupe videatur; secreta ab arboribus aliis recedat; facili nec impedito motu brachia ramosque suos in auras pandat; plenoque potu sic toriferum eibat liquorem, & quantum vertice ad auras ætherias, tantum radice in tartara tendat. Tunc quàm bene comata, & quàm curioso expanduntur ordine brachia. Parallela plano priora sese extendunt, in orbem circinantur. Quò plùs à prioribus his receunt alii rami, eò plùs à circulari recedunt figurâ, magis ac magis ad acutiores declinant angulum, tandemque cum trunco sese confundunt & unum efformant. Eadem in ramulis, eadem in fructuum in foliorum vasis agnoscitur *symetria*. Mirandum sane offertur spectaculum in illo verme qui positus exuviis sit *Monocerus Scarabæus*, aviscque ex vili fumo puriores in aera volitans spirat auras. Sub pelle pellucidâ patefunt vasa delicatiora quæ eadem ac vasa Elephantis, ac vasa corporis humani efformata manu, sic eodem expanduntur ordine. Verbo, integram perpende naturam, animoque rotundum percurrere polum à se ipsâ non recederet natura.

Ergò, *Ex Vasorum figurâ & origine, facilior aptiorque fluidorum dispensatio,*

DOMINI DOCTORES DISPUTATURI.

29. Ludovicus - Guillelmus Le Monnier, Albus Præses.
M. Carolus Dionis

M. Petrus Le Tonnelier,

M. Josephus Exuperius Bertin, M. Gedeon de Rabours,
Seren. Valachia & Moldavia
Principis Medicus primarius.
M. Joannes Ludovicus Bande de M. Laurentius Ferret,
Laclos,

M. Nicolaus Andry, Antiquus Facultatis Decanus & Lector Regius.
M. Philippus Caron, Antiquus Facultatis Decanus.

Proponerebat Parisiis JOANNES-STEPHANUS GUETTARD;
Senonensis Baccalaureus Medicus, A.R.S.H. 1741. à sexta ad meridiem.